

ctionum in illo ente cogitabilium omnium
 3. nec de præfenti tantùm, verùm etiam de
 præterito & futuro omni, imò ultra id omne
 quod præteritum & futurum dicitur, quæ
 proinde fit existentia indefectibilis, h. e. quæ
 nunquam possit deficere, sed omnino neces-
 faria fit & immutabilis.

EXERCITATIO XXXIII.

Id quod simpliciter est, æternum est & immutabile.

1. **I**N eo qui est maximè ens, sive, ens
 simpliciter, non possumus intellige-
 re initium aut finem, ergo meram existendi
 æternitatem intelligamus necesse est.

2. Nam qui *initium* concipit, intelligit
 priùs tò non-esse, postea autem tò esse: qui
finem animo concipit, is intelligit tò non
 esse post tò esse, sic ut illud huic quasi succe-
 dat.

3. Sed in Ente simpliciter non potest in-
 telligi ullum non-esse, sive ante sive post tò
 esse statuatur, sive simul cum eo & illi ipsi
 quasi immistum & connexum putetur.

4. Scaliger Exercit. 363. *Temporis partes
 numerat (Plato) tres: fuisse, esse, fore.* Cate-